



Бутун дунё пролетарлари, бирлашингиз!



# Тошкент ҳақиқати

ГАЗЕТА 1928 ЙИЛ 11 ДЕКАБРДАН ЧИҚА БОШЛАГАН

ЎЗБЕКИСТОН КОММУНИСТИК ПАРТИЯСИ ТОШКЕНТ ВИЛОЯТ ҚЎМИТАСИ  
ВА ХАЛҚ ДЕПУТАТЛАРИ ТОШКЕНТ ВИЛОЯТ КЕНГАШИНИНГ ОРГАНИ

№ 1 (9997). • 1991 йил 1 январь • сешанба • Баҳоси 6 тийин.

## ССЖИ ПРЕЗИДЕНТИНИНГ СОВЕТ ХАЛҚИГА ЯНГИ ЙИЛ МУРОЖААТНОМАСИ

Азиз ўртоқлар, қадрли ватандошлар! Соат миллари бир кунни иккинчисидангина эмас, эски йилни янгисидан ажратадиган белгига яқинлашиб қолди. Шу дақиқаларда биз тугаб бораётган йил воқеаларини бирма-бир эсга оламиз. Янги, 1991 йилда бизни ва ёр-биродарларимизни, буюк мамлакатимизни нималар кутаётгани ҳақида яхши ният билан ўйлаймиз.

Тугаб бораётган йил тарихимизда энг оғир йиллардан бўлди. Иқтисодийдаги инқироз ҳодисалари ҳам, одамларнинг шахсий ҳавфсизлиги камайганлиги ҳам, тартиб ва интизом бўшаганлиги ҳам турмуш шароитига таъсир қилди. Ҳа, биз ҳаммамиз учун бениҳоя қийин бўлган йилни кузатаймиз. Утиш даврида, айниқса бизнинг мамлакатимиздек улкан мамлакат янгиллик сари бурилаётган пайтда қийинчиликларнинг бўлиши муқаррар, албатта. Бунинг ёнига сўнги даврдаги янгиликлар ва хатолар ҳам қўшилди. Мамлакат раҳбариятининг хатолари, сиз билан бизнинг камчиликларимиз ҳам қўшилди, аммо мамлакат яшади, курашди, ишлади. 1990 йилни кузатиб қолар эканмиз, мислсиз мўл ҳосилни йиғиштириб олган қишлоқ меҳнатчиларига, мураккаб шароитда мамлакатни нур ва иссиқлик билан



таъминлаётган энергетикларга, катта ва кичик қийинчиликларни бартараф этиб, яхши ва ҳалол ишлаган, ўз бурчини виждонан бажарган барча кишиларга эзгу сўзлар ва миннатдорчилик билдирмоқчиман.

Бу — мулкчилик тўғрисида, ҳокимият ҳақида, ер тўғрисида қийин ва муҳим қарорлар қабул этилган

йил бўлди. Бир неча кун муқаддам ўз ишини тугаллаган ССЖИ халқ депутатлари тўртинчи Съезди мамлакатдаги аҳволни муҳокама қилди ва амалий ҳаракатлар дастурини белгилаб берди. Съезд ССЖИ Конституциясига ижроия ҳокимиятини мустақамлашга қаратилган ўзгаришлар киритди. Демократик ўзгаришлар йўлидан янада олға

бориш, тартибни, қонунийлик ва интизомни мустақамлаш, инсон ҳуқуқларини ҳимоя қилиш учун иқтисодий ва сийсий вазиятни барқарорлаштириш ҳаётини заруратдир. Биз бу йўлдан қайтмаймиз.

Келгуси йил — алоҳида йил бўлади. Кўп миллатли давлатимизнинг тақдири тўғрисидаги масала шу йилда ҳал этилади. Бизнинг ҳаммамиз учун, совет кишилари учун иттифоқни барча халқлар эркин ва яхши яшайдиган иттифоқ сифатида сақлаб қолиш ва янгилашдан ҳам муқаддасроқ иш йўқ. Мамлакат халқлари неча асрлар давомида биргаликда яшаб келдилар. Совет ҳокимияти йилларида вужудга келган кадрлар ҳам уларни бирлаштириб турибди, энг кўп вайронгарчилик келтирган урушдаги ғалаба хотираси уларни яқинлаштириб турибди. Ҳозир биз бир-биримиздан ажралиб яшай олмаслигимизни, эҳтимол, ҳар қачонгидан ҳам яхшироқ ҳис қилаёймиз.

Қолаверса, биз биргаликдагина тангликдан қўтилишимиз, оёққа туриб олишимиз, янгиликни йўлидан қатъият билан боршимиз мумкин. Айни Иттифоқ, уни сақлаб қолиш ва янгилаш 1991 йилда олдимизда турган тақдирга дахлдор жуда катта вазифаларни ҳал этиш қалитидир.

Эртанги кун ҳақида ўйлаганда ўз тақдиримизни бошқа мамлакатлар ва халқларнинг тақдиридан ажратмаймиз. Бизнинг халқроқ муносабатларни соғломлаштиришга қўшган ҳиссамизни дунёда юқори баҳоламоқдалар, қайта куришга астойдил муваффақият тиламоқдалар. Буни биз буюк ишимиз бўлган бирдамлик деб биламиз ва барча халқларга чин кўнгилдан эсон-омонлик ва бахт-саодат тилаймиз.

Азиз ўртоқлар! Мамлакат бошдан кечираётган танглик нақадар чуқур бўлмасин, биз келгуси йилдаёқ яхшилик сари бурнишига эришмоғимиз мумкин ва лозим. Аммо бунинг учун инсоний ва миллатлараро тотувлик, масъулият ва интизом, ҳалол меҳнат ва бир-биримизга нисбатан инсонийлик бўлиши керак.

Тугаб бораётган йилнинг шу сўнги онларида мен оила ва дўстлар даврасига йиғилган барча кишиларни янги йил билан кутлайман.

1991 йилда ҳар бир оилада тинчлик-хотиржамлик, аҳиллик ва эсон-омонлик бўлсин! Ватанимизда янги ҳаёт яшасин!

Янги йилингиз кутлуғ бўлсин, азиз ватандошлар!

## ҲАМКОРЛИГИНГИЗ УЧУН, РАҲМАТ!

Обуна якунлари бўйича «Тошкент ҳақиқати» мукофотлари топширилди

Муштарийларимизга шуни мамнуният билан маълум қиламизки, 1991 йил учун рўзномамизга обуна муваффақиятли якунланди. «Тошкент ҳақиқати»га ёзилганлар 1990 йилга нисбатан 87 фоизни ташкил этди.

Бу аввало вилоят партия қўмитаси, халқ депутатлари вилоят кенгаши, вилоят «Союзпечать» идораси ва барча жамоатчи фаолларнинг «Тошкент ҳақиқати»га бўлган эътибори ва ғамхўрлиги, яқиндан берган ёрдами самарасидир. Ана шу катта ҳамкорлик туфайли айрим шахар ва ноҳияларда обунани ўтган йилги даражадан ҳам оширишга муваффақ бўлиди. Чунончи, Бекобод, Янгийўл, Янгибод шаҳарларида обуначиларимиз ўтган йилгидан анча кўпайди. Тошкент шаҳрининг Киров ва Куйбисhev ноҳияларида, бир қанча таъкилотларда юқори кўрсаткичларга эришилди.

Тахририятимиз айниқса вилоят ички ишлар бошқармаси, матбуот жамаиати раҳбарларининг обунанинг катта сийсий аҳамиятини тушуниб, ўзларига қарашиб бўлиналар ва жамоаларда жуда катта оммавий таъкилий ва тушунтириш ишлари олиб борганини алоҳида таъкидлайди. Жойлардаги жамоатчиларимиз ўзларининг асосий хизмат бурчларини ўташ билан бирга «Тошкент ҳақиқати»га обуначилар тўплашда вақт ва имкониятларини аямдилар.

Сизга маълумки, рўзнома тахрир ҳайъати «Тошкент ҳақиқати»нинг чин мухлислари, ҳақиқий жонқуярларини рағбатлантиришга, бизга ҳайрихоҳ бўлиб муштарийлар сифини кенгайтиришга катта ҳисса қўшган ўртоқларни муносиб тақдирлаш учун конкурс ўтказар эди. Янги йил бўсағасида конкурс ҳайъати обуна якунларини чиқарди. Ҳайъат раиси Тошкент вилоят партия қўмитаси мафкура бўлими мудирининг ўринбосари ўртоқ Ш. Шоилсомов голибларни табриқлади. Уларга совринларни «Тошкент ҳақиқати» муҳаррири Н. Насимов тантанали вазиятда топширди.

Биринчи ўрин учун 500 сўм пўл мукофоти Бекобод шаҳар «Союзпечать» идорасига берилди. Бу шахар матбуот тарқатувчилари «Тошкент ҳақиқати»нинг доқимий қўувчиларини қарийб уч бародан кўпайтиришга муваффақ бўлидилар.

Иккинчи ўрин учун 400 сўм пўл мукофоти Тошкент ноҳияси «Союзпечать» идорасига,

Учинчи ўрин учун 300 сўм пўл мукофоти Бўна ноҳия матбуот тарқатувчиларига берилди.

Янги тартибда обуна уюштиришда жамоатчи матбуот тарқатувчилар ва фаоллар учун таъсис этилган мукофотлар қўйидагиларга берилди.

Биринчи мукофот — «Электроника-М33С» магнитофони Янгийўл шаҳри-

даги биохимия заводи техниги Надежда Ивановна Зайцевага, иккинчи мукофотлар — марказий курортларга бепул йўлланма — Серго номли шўро хўжалиги (Охангарон ноҳияси) ҳисобчиси Уктам Абдуллаевич Қуролова, (Кисловодскдаги «Шикет» санаторийсига); Усмон Юсупов номли бодорчилик-узумчилик комбинати иш юритувчиси Хусан Маликовга (Кисловодскдаги «Солнечный» санаторийсига); Шунингдек, Урта Чирчиқ ноҳиясидаги Ленин номли жамоа хўжалиги ҳисобчиси И. Исроилов «Океан» радиоприёмниги, Чиноз ноҳиясидаги 40-мактаб кутубхоначиси Саодат Жалилова «Вега» радиоприёмниги билан тақдирландилар.

Вилоят матбуот жамаиати таъкилий-техник бўлимининг мудир Ш. Г. Сагдиев, вилоят ички ишлар бошқармаси партия қўмитаси котиб Б. Ҳакимов, Фрунзе ноҳия ошхоналар идораси таъкилий бўлими мудир Р. Ҳакимов ва Тошбу Сангилова (Бекобод шаҳри) «Ороён» ҳафтаномаси иловасига бепул обуна қилиндилар.

Вилоят ички ишлар бошқармаси матбуот маркази бошлиги Мирқарин Мирсўвров, Фрунзе ноҳияси ошхоналар идораси таъкилий бўлими мудирининг ўринбосари Қўбил Азиев, шу идорага қурашди 10-ошхона инженер-технологи Наталья Безручко, бекободлик Г. М. Мирқомиллов «Дружба народов» туркумидаги китоблар тўпламига бепул обуна қилиндилар.

«Сельская молодежь» ойномасининг «Подвиг» туркумидаги иловасига эса Мовлуда Хужаева (Тошкент ноҳия матбуот жамаиати), Уктаббой Бобораймов (Бўстонлик ноҳия матбуот жамаиати), Серикбой Оғинбойов (Чиноз ноҳиясидаги «Москва» жамоа хўжалиги партия қўмитаси котиб), Раъно Рашидова (Бекобод шаҳар норузда материаллари заводи) сазовор бўлидилар.



Бир гуруҳ фаоллар «Тошкент ҳақиқати» рўзномасининг Фахрий ёрлиги билан тақдирландилар. Улар орасида эътибор масъумини ўтказишда алоҳида эътибор бериб катта таъкилотчилик ишларини олиб борган Бекобод шаҳар партия қўмитаси биринчи котиб Э. М. Рўзиев, вилоят ички ишлар бошқармаси бошлиги Э. А. Алматов, вилоят матбуот жамаиати раиси У. М. Мираилов, Урта Чирчиқ ноҳия партия қўмитасининг биринчи котиб М. Икромов, Тошкент ноҳия партия қўмитасининг биринчи котиб Т. Мирёкубов, шу ноҳия партия қўмитаси котиб Х. Саидалиева, вилоят «Союзпечать» идораси бошлигининг ўринбосари Б. Мираев, Фрунзе ноҳияси ошхоналар идорасидан Е. Усмонова ва бошқа ўртоқлар бор.

## БИЗНИНГ РАҚАМИМИЗ—38

«Тошкент ҳақиқати»га вақтли нашрнинг рўйхатга олинганлиги тўғрисидаги гувоҳнома топширилди

Уни рўзноманин бош муҳаррири Н. Насимовга Ўзбекистон ССЖ Давлат матбуот қўмитасининг раиси У. А. Абдуразоқов тантанали равишда топширди. Бу тарихий ҳужжат биз билан Сиз, азиз муштарийларнинг муносабатларимизни аниқ-равшан белгилаб беради, бир-биримизнинг зиммамизга катта масъулиятлар юклайди, рўзноманин мақсадлари, дастурин, ижодий режаларига ҳам аниқлик киритади. Чунки унинг муассиси равшан белгилаб қўйилган — Ўзбекистон Компартияси Тошкент вилоят қўмитаси, Тошкент вилоят халқ депутатлари Кенгашидир.

1990 йил 29 декабрь кун, шунингдек, «Ташкентская правда» ва бошқа оммавий ахборот нашрлари ҳам рўйхатдан ўтди.



Суратда: Обуна якунлари голиблари.

Суратқаш В. ТУРАЕВ.





